



Broj/ Број : 02/2-50-1-69-33-17/05
Sarajevo/ Сарајево : 13. 5. 2005.

Z A P I S N I K

33. sjednice Komisije za vanjsku i trgovinsku politiku Doma naroda Parlamentarne skupštine BiH održane 11. 5. 2005.

Tridesetteću sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Velimir Jukić, Osman Brka i Ruža Stojanović, kao i Nevenka Savić, sekretar Komisije.

Osim navedenih, sjednici su, u svojstvu predstavnika predlagača, prisustvovali: g-đa Dara Crnić-Babić, prvi sekretar u Ministarstvu vanjskih poslova; Stjepo Pranjić, šef Kabineta ministra za vanjsku trgovinu i ekonomske odnose; Gordan Raspudić, član Konkurencijskog vijeća i Aljoša Čampara, sekretar Zajedničke službe Sekretarijata.

Sjednicom je predsjedao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

DNEVNI RED

1. Usvajanje Zapisnika sa 32. sjednice Komisije;
2. Prijedlog zakona o konkurenciji – Vijeće ministara BiH;
3. Nacrt pravilnika o međunarodnim aktivnostima Parlamentarne skupštine BiH – predlagač Sekretarijat Parlamentarne skupštine BiH;
4. Saglasnost za ratifikaciju Sporazuma između Vijeća ministara BiH i Vlade Republike Bugarske o ukidanju viza za nosioce diplomatskih i službenih pasoša – predlagač Predsjedništvo BiH;
5. Saglasnost za ratifikaciju Sporazuma između Bosne i Hercegovine i Republike Slovenije o uzajamnoj pomoći po pitanjima carina – predlagač Predsjedništvo BiH;
6. Saglasnost za ratifikaciju Sporazuma o unapređenju i zaštiti investicija između Bosne i Hercegovine i Kraljevine Danske – predlagač Predsjedništvo BiH;

7. Saglasnost za ratifikaciju Šestog amandmana na Ugovor o finansijskoj pomoći između Bosne i Hercegovine i Sjedinjenih Američkih Država – predlagač Predsjedništvo BiH;
8. Saglasnost za ratifikaciju Sporazuma između Vijeća ministara Bosne i Hercegovine i Vlade Republike Hrvatske o uzajamnom ukidanju viza – predlagač Predsjedništvo BiH;
9. Saglasnost za ratifikaciju Ugovora između Bosne i Hercegovine i Republike Hrvatske o zajedničkim lokacijama na graničnim prelazima – predlagač Predsjedništvo BiH;
10. Saglasnost za ratifikaciju Sporazuma između Bosne i Hercegovine i Republike Hrvatske o pograničnom prometu i saradnji – predlagač Predsjedništvo BiH;
11. Saglasnost za ratifikaciju Aneksa VI Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Izačić – Ličko Petrovo Selo – predlagač Predsjedništvo BiH;
12. Saglasnost za ratifikaciju Aneksa V Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Velika Kladuša – Maljevac – predlagač Predsjedništvo BiH;
13. Saglasnost za ratifikaciju Aneksa IV Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum II – Zaton Doli – predlagač Predsjedništvo BiH;
14. Saglasnost za ratifikaciju Aneksa II Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Doljani – Metković – predlagač Predsjedništvo BiH;
15. Saglasnost za ratifikaciju Aneksa III Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum I – Klek – predlagač Predsjedništvo BiH;
16. Saglasnost za ratifikaciju Evropske konvencije o pranju, traganju, privremenom oduzimanju i oduzimanju prihoda stečenog krivičnim djelom – predlagač Predsjedništvo BiH;
17. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 32. sjednice Komisije

Zapisnik sa 32. sjednice Komisije usvojen je većinom glasova. (G-đa Stojanović bila je uzdržana jer nije prisustvovala 32. sjednici Komisije.)

Ad. 2. Prijedlog zakona o konkurenciji – Vijeće ministara BiH

Predsjedavajući Komisije, g. Čengić, upoznao je članove Komisije sa procedurom koju je Prijedlog zakona prošao da bi ga Komisija razmatrala kao nadležna:

Vijeće ministara BiH, kao ovlašteni predlagač, dostavilo je Prijedlog zakona 24. 2. 2005. godine u parlamentarnu proceduru sa zahtjevom da se razmatra po hitnom postupku, u skladu sa članom 99. Poslovnika Doma naroda.

Dom naroda Parlamentarne skupštine BiH, na svojoj 40. sjednici održanoj 25. 4. 2005. godine, razmatrao je i prihvatio zahtjev predlagača za razmatranje prijedloga zakona po hitnom postupku u skladu sa članom 99. Poslovnika Doma naroda.

Ustavno-pravna komisija Doma naroda Parlamentarne skupštine BiH na svojoj 39. sjednici, održanoj 7. 3. 2005. godine zaključila je da je prijedlog zakona podnesen od ovlaštenog predlagača i da je u skladu sa Ustavom BiH, te da može ići u dalju parlamentarnu proceduru prema nadležnoj komisiji.

Komisija za vanjsku i trgovinsku politiku Doma naroda Parlamentarne skupštine BiH, u skladu sa članom 79. stav 2. Poslovnika Doma naroda razmatra je Prijedlog zakona o konkurenciji kao nadležna komisija u osnovnom zakonodavnom postupku.

O Prijedlogu zakona, u svojstvu predstavnika predlagača, govorili su g. Raspudić i g. Pranjić. G. Raspudić je objasnio da je postojao Zakon o konkurenciji koji je usvojen 2001. godine, ali se ukazala potreba usklađivanja tog Zakona sa regulativom Evropske unije, koja se u međuvremenu promijenila. U novom zakonskom prijedlogu regulirane su kaznene odredbe, organizaciona struktura, administrativno sudovanje Konkurencijskog vijeća, odredbe koje se odnose na koncentraciju i drugo. Članovi Komisije imali su mnogo pitanja u smislu pojašnjenja nekih odredbi, kao i svojih primjedbi na pojedina rješenja. Pitanja g. Čengića odnosila su se na zakonska rješenja u vezi sa koncentracijom, naročito ukupni prihod za kontrolu koncentracije, kaznene odredbe, pravne mjere koje izriče Konkurencijsko vijeće, mogućnost Suda BiH da u krajnjoj instanci odkučuje po žalbama, antimonopolsko djelovanje, itd. G. Jukić se koristio prilikom da zatraži od predlagača odgovor na pitanje u kojoj su fazi pregovori sa Svjetskom trgovinskom organizacijom. G. Brka je želio znati koliko je domaće naučno mišljenje konsultovano u pripremi Prijedloga zakona. G. Radovanovića je interesirao budući status Kancelarija za konkurenciju i zaštitu potrošača.

Nakon sprovedene opće rasprave i rasprave o pojedinostima Komisija je:

1. Jednoglasno podržala principe zakona.
2. Konstatirala da su amandmane na Prijedlog zakona uložili delegati Vinko Radovanović i Ruža Stojanović.

Članovi Komisije su, zatim glasali o predloženim amandmanima kako slijedi:

Amandman I – delegat Vinko Radovanović

U članu 25. stav (5) mijenja se i glasi:

“(5) Konkurencijsko vijeće podnosi na usvajanje Vijeću ministara BiH izvještaj o radu, kao i godišnji izvještaj. Usvojeni godišnji izvještaj o radu Konkurencijskog vijeća objavljuje se u javnosti.”

Amandman je jednoglasno usvojen.

Amandman I – delegat Ruža Stojanović

(na član20.)

U članu 20. dodati novi stav koji glasi:

«Organizacione jedinice obavljaju poslove iz nadležnosti Konkurencijskog vijeća koje se detaljno uređuju podzakonskim aktom.»

Amandman nije usvojen (2 glasa za, 2 glasa protiv, 1 glas uzdržan).

Amandman II – delegat Ruža Stojanović

U članu 21. stav 1. riječi «samostalni organ» zamijeniti riječima «upravni organ».

Predlagač, g-đa Stojanović, je povukla amandman.

Amandman IIa – delegat Ruža Stojanović

U članu 21. stav 2. riječ «Sarajevo» zamijeniti sa riječima «Istočno Sarajevo».

Amandman nije usvojen (2 glasa za, 2 glasa protiv, 1 glas uzdržan).

Amandman III – delegat Ruža Stojanović

(na član 22.)

U članu 22. stav 2. drugi red, riječi: "status jednak upravnim sudijama", zamjeniti riječima "državnih službenika".

Predlagač, g-đa Stojanović, je povukla amandman.

Amandman IV – delegat Ruža Stojanović

(na član 25.)

U članu 25. tačka 4. brisati riječi «i nacionalnim».

Predlagač, g-đa Stojanović, je povukla amandman.

Amandman V – delegat Ruža Stojanović

(na član 27.)

U članu 27. tačka 3. iza riječi Konkurencijsko vijeće dodati riječi:"odnosno organizacionom jedinicom".

Predlagač, g-đa Stojanović, je povukla amandman.

Amandman VI – delegat Ruža Stojanović
(na član 60.)

U članu 60. dodati novi stav:

"Do 01.01.2006. godine 1/3 ovih sredstava pripada budžetima entiteta".

Predlagač, g-đa Stojanović, je povukla amandman.

3. Komisija je potom većinom glasova (4 glasa za i 1 uzdržan) prihvatila tekst Prijedloga zakona o konkurenciji s usvojenim amandmanom, uz konstatiranje da je Zakon neophodno donijeti, te predlaže Domu naroda Parlamentarne skupštine BiH njegovo usvajanje.

Ad. 3. Nacrt pravilnika o međunarodnim aktivnostima Parlamentarne skupštine BiH – predlagač Sekretarijat Parlamentarne skupštine BiH

U svojstvu predstavnika predlagača, sjednici je prisustvovao g. Čampara. U uvodnom izlaganju istakao je da Pravilnik neophodno donijeti zbog potrebe da se tehnička pitanja, naročito njihov finansijski aspekt, reguliraju internim aktom. Predsjedavajući Komisije, g. Čengić, se složio sa iznesenim mišljenjem, s tim da neka rješenja u Pravilniku treba popraviti. Članovi Komisije bili su jednoglasni da se izvrše sljedeće korekcije u tekstu:

- U članu 2. stav 1. umjesto «Kolegiji oba doma» treba da stoji «Kolegiji domova, Zajednički kolegij oba doma».
- U članu 3. stav 3. umjesto «Kolegiji oba doma» treba da stoji «Kolegiji domova, Zajednički kolegij oba doma».
- U članu 3. stav 5. umjesto «grupe prijateljstva ili grupe za saradnju» treba da stoji « grupe za saradnju i prijateljstvo». Isto u cijelom tekstu.
- U članu 3. stav 7. paragraf 2. umjesto «pripremu sadržaja» treba da stoji «koordinira pripremu sadržaja».
- U članu 4. u stavu 6. umjesto «priprema» treba da stoji «koordinira».
- U članu 4. tekst «U skladu sa vanjskopolitičkim prioritetima Bosne i Hercegovine ova ograničenja ne važe za susjedne države, članice Evropske unije i NATO-a, kao i stalne članice Vijeća sigurnosti OUN.» se briše.
- U članu 7. iza riječi «tako da» dodaju se riječi «u pravilu».
- U članu 7. , na kraju se dodaje novi stav koji glasi:
«U slučaju predstavljanja Doma naroda, Dom naroda će predstavljati tri delegata.»
- U članu 8. u stavu 3. umjesto «5 članova» treba da stoji «6 poslanika/delegata».
- U članu 9. u stavu 3. umjesto tačke stavlja se zarez i dodaje tekst «Vijeće ministara BiH, Ministarstvo vanjskih poslova i druge institucije Bosne i Hercegovine.»
- U članu 11. stav 2. umjesto teksta «kolegiji oba doma» treba da stoji «kolegij doma ili kolegij oba doma».
- U članu 15. stav 2. riječ «mora» zamjenjuje se riječju «treba».
- U članu 15. stav 3. se briše.
- U članu 17. u stavu 3., na kraju stava, umjesto tačke stavlja se zarez i dodaje tekst :
«odmah kada zasna za razloge otkazivanja».

Komisija je jednoglasno zaključila da preloženi tekst sa gore pomenutim korekcijama uputi Kolegiju Doma naroda u dalju parlamentarnu proceduru.

Ad. 4. Saglasnost za ratifikaciju Sporazuma između Vijeća ministara BiH i Vlade Republike Bugarske o ukidanju viza za nosioce diplomatskih i službenih pasoša – predlagač Predsjedništvo BiH

O Sporazumu je u svojstvu predstavnika predlagača govorila g-đa Crnić-Babić.

Komisija je izrazila oštar protest zbog kašnjenja procesa ratificiranja. Zaključeno je da se od Vijeća ministara zatraži informacija o svim potpisanim bilateralnim sporazumima koji tretiraju problematiku viza za građane BiH, za sve vrste putnih isprava, sa informacijom u kojoj su fazi u postupku ratificiranja.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 5. Saglasnost za ratifikaciju Sporazuma između Bosne i Hercegovine i Republike Slovenije o uzajamnoj pomoći po pitanjima carina – predlagač Predsjedništvo BiH

O Sporazumu je u svojstvu predstavnika predlagača govorila g-đa Crnić-Babić.

Članovi Komisije su zaključili da od Ministarstva vanjskih poslova zatraže informaciju o svim bilateralnim sporazumima koji se odnose na uzajamnu pomoć u carinskim pitanjima, koji su potpisani ali nisu ratificirani.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 6. Saglasnost za ratifikaciju Sporazuma o unapređenju i zaštiti investicija između Bosne i Hercegovine i Kraljevine Danske – predlagač Predsjedništvo BiH

O Sporazumu je u svojstvu predstavnika predlagača govorila g-đa Crnić-Babić.

Članovi Komisije su zaključili da od Ministarstva vanjskih poslova zatraže informaciju da li Bosna i Hercegovina članica UNCITRAL i ICSID, i ako nije da pokrenu inicijativu o pristupanju BiH tim organizacijama.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 7. Saglasnost za ratifikaciju Šestog amandmana na Ugovor o finansijskoj pomoći između Bosne i Hercegovine i Sjedinjenih Američkih Država – predlagač Predsjedništvo BiH

O Sporazumu je u svojstvu predstavnika predlagača govorila g-đa Crnić-Babić.

Nakon diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 8. Saglasnost za ratifikaciju Sporazuma između Vijeća ministara Bosne i Hercegovine i Vlade Republike Hrvatske o uzajamnom ukidanju viza – predlagač Predsjedništvo BiH

O Sporazumu je u svojstvu predstavnika predlagača govorila g-đa Crnić-Babić.

Nakon diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 9. Saglasnost za ratifikaciju Ugovora između Bosne i Hercegovine i Republike Hrvatske o zajedničkim lokacijama na graničnim prelazima – predlagač Predsjedništvo BiH

O Ugovoru je u svojstvu predstavnika predlagača govorila g-đa Crnić-Babić.

Nakon diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 10. Saglasnost za ratifikaciju Sporazuma između Bosne i Hercegovine i Republike Hrvatske o pograničnom prometu i saradnji – predlagač Predsjedništvo BiH

O Sporazumu je u svojstvu predstavnika predlagača govorila g-đa Crnić-Babić.

Nakon diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 11. Saglasnost za ratifikaciju Aneksa VI Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Izačić – Ličko Petrovo Selo – predlagač Predsjedništvo BiH

G. Radovanović je predložio da se odgodi razmatranje sporazuma pod tačkama Dnevnog reda 11. – 15. dok se od Vijeća ministara ne dobije informacija o tome šta je sa ostalim graničnim prijelazima. Prijedlog g. Radovanovića nije prihvaćen.

Članovi Komisije su odlučili da se od Ministarstva vanjskih poslova zatraži da u roku od 15 dana dostavi kompletan izvještaj o svim aneksima o izgradnji graničnih prelaza iz Ugovora sa R Hrvatskom, te da se zatraži da ministar ili ovlaštena osoba na narednoj sjednici Komisije to prezentira. Takođe se traži i informacija da li je sa Srbijom i Crnom Gorom potpisan ili je u pripremi okvirni sporazum o reguliranju pograničnog prometa i graničnim prijelazima.

Nakon diskusije, članovi Komisije su većinom glasova (2 glasa za, 2 glasa uzdržana) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Aneksa VI Ugovora.

Ad. 12. Saglasnost za ratifikaciju Aneksa V Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Velika Kladaša – Maljevac – predlagač Predsjedništvo BiH

Članovi Komisije su većinom glasova (2 glasa za, 2 glasa uzdržana) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Aneksa V Ugovora.

Ad. 13. Saglasnost za ratifikaciju Aneksa IV Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum II – Zaton Doli – predlagač Predsjedništvo BiH

Članovi Komisije su većinom glasova (2 glasa za, 2 glasa uzdržana) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Aneksa IV Ugovora.

Ad. 14. Saglasnost za ratifikaciju Aneksa II Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Doljani – Metković – predlagač Predsjedništvo BiH

Članovi Komisije su većinom glasova (3 glasa za, 2 glasa uzdržana) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Aneksa II Ugovora.

Ad. 15. Saglasnost za ratifikaciju Aneksa III Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum I – Klek – predlagač Predsjedništvo BiH

Članovi Komisije su većinom glasova (3 glasa za, 2 glasa uzdržana) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Aneksa III Ugovora.

Ad. 16. Saglasnost za ratifikaciju Evropske konvencije o pranju, traganju, privremenom oduzimanju i oduzimanju prihoda stečenog krivičnim djelom – predlagač Predsjedništvo BiH

Članovi Komisije su jednoglasno odlučili da Konvenciju skinu sa Dnevnog reda sjednice zbog odsustva predstavnika predlagača.

Ad. 17. Tekuća pitanja

Članovi Komisije su informirani da je Zajednički kolegij zadužio Komisiju za vanjsku i trgovinsku politiku da bude domaćin Delegaciji Državnog narodnog kongresa Narodne Republike Kine koja dolazi u posjetu Bosni i Hercegovini u periodu od 18. do 21. maja 2005. godine. Dogovoren je raspored aktivnosti i učesnika u pojedinim periodima posjete.

Predsjedavajući Komisije

Hasan Čengić